

COMUN: Al vëgn lascé alsavëi che les domandes do contribuc y aiüc finanziares por l'ativité ordinara tl ann 2017 dles uniuns y assoziaziuns mëss gni dades jö te comun cina en vëndres, ai 31 de merz 2017. I modui por la domanda é da ciafé sön la plata internet dl comun www.comun.sanmartindetor.bz.it o tl secretariat de comun. Domandes dades jö do le termo ne vëgn nia tutes en conscidraziun.



Les beatitus é impormetüdes che fej aparí le monn y la jënt te n ater lominus. Al é impormetüdes por l'ater monn, mo nia ma. Sc'i metun man da odèi cun i edli de Chël Bel Dî y da vire aladô, sc'i se metun sön tru cun Gejú, spo mët man nosta vita da ciafé d'atri valurs, spo scomëncia la vita dl ater monn bele te chësc monn.

Chësc nes insëgna ince Sant Ujöp Freinademetz.

Solenité de Sant Ujöp Freinademetz sô Oies:

Sabeda, 28 de jená, 16.00: Mëssa y dales 20.00 Adoraziun eucaristica y ôspi
Domënia, 29 de jená, 16.00: Mëssa; dales 20.00: degöna mëssa

LUNGIARÛ: Al vëgn indô periè do le contribut por le mone che pó gni paié ite te calonia en chësta domënia, 29/01, y la proscima domënia, 05/02, do la gran mëssa.

Por la **jita cun la liösa di jogh dl comun da San Martin** so dala Edelweißhütte en sabeda ai 11 de forá ciarede tl'ultima plata.

La Uniun dl Sport da San Martin mët da jí n curs de **pilates y crossfit** cun Marta Willeit, dai 7 de forá cina ai 11 d'aurí, vigni dedolönesc dales 20.00, tla palestra da San Martin. Indöt 10 iadi. Cost: 50 € porom plü evtl. tessera dla uniun dl sport. Infos y prenotaziuns al 348 51 98 620 o diretamënter te palestra la pröma sëra.


Le Sorvisc ai Jogn chir jogh y jones che á ligrëza da lauré cun mituns y mitans sciöche animadus/esses pro l'**ISTÉ DEBORIADA** 2017 (an mëss avëi arjunt la majera eté!). Por informaziuns preibel cherdé sô le 0474 523 070 (lönesc – jöbia: dales 8.00-12.00 y 13.00-17.00) o manuela@jogn.org. Termo por dé jö les domandes é dedolönesc, 28 de forá.

Referat cun Giuditta Sereni dl Forum prevenziun de Balsan en dedolönesc dales 20.00 tla scora mesana da La Ila: "**Iö baii, mo ël ne m'ascuta nia**" – Comunica-ziun danter geniturs y mituns. Al n'é nia da capí ci che l'ater ó nes dí y da dí ci ch'an pënsa. Te ci manira comunicunse pa y co ascutunse pa? Co sciafia pa i geniturs da capí ci che i mituns ó dí; sü pinsiers, sentimënc y minunghes?

Döt le bun a chi che complësc i aqn de forá

a San Martin: Catarina Ferdigg-Moling che nen complësc 90 ai 1
Tile Dapunt Pedevilla che nen complësc 82 ai 16
Oliva Winkler Vanzì che nen complësc 80 ai 18
Pire Rives che nen complësc 85 ai 21
Franz Conrater che nen complësc 95 ai 25
Sepl Trebo che nen complësc 87 ai 28

a Lungiarü Gino Liotto che nen complësc 84 ai 2
Severina Costa che nen complësc 86 ai 7



varide dales coies



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

29.01.17 – 05.02.17 nr. 10

termo da publiché: jöbia 20.00

radio: 90,40 / 93,70

FESTA DE SANT UJÖP DA OIES 4^a DOMËNIA IA POR L'ANN - A

Vangele: Matî 5,1-12a

Beâc, i misericordiusc;
deache ai ciafarà misericordia.

Beâc, chi che à n cör nët;

deache ai odorà Idî.

Beâc, chi che fej pêsc;

deach'an ti dijarà fis de Dî.

Beâc, chi che vëgn porseghità

por gauja dla iustizia;

deache de d'ëi é le rëgn dl cil.

Beâc sëise os, sc'i gnëis dejonorà y porseghità

y scraia fora a vigni manira por mia gauja.

Ralegrësse y iubilede:

Osc paiamënt tl cil sarà gran.



Gejú descrí i beac döt atramënter co che tröc de nos s'imaginëia la contentëza.

Nos essun cotan plü ion ch'ara se jiss bun y ch'i fossun bëgnodüs co aldí pro chi che vëgn mená sot dales rodes dla sozieté.

Mo Gejú la intorj y la vëiga dal ater vers.

Sëgn dess ester beac propi chi, ch'i n'oressun nia ester o nia ion ester.

Mo atenziun: Gejú ne tlama i beac nia beac ciodich'ai é ci ch'ai é.

Al i vëiga da n ater punt d'odüda, al i vëiga cun i edli de Dî.

Al iudichëia cun l'odlada dl amur y dla iustizia.

Al dij: Deache Chël Bel Dî se mët da süa pert, porchël é chësta jënt che sperimentará la beatitü.

Ma Idî condüj ala beatitü. Ma te süa vijinanza devënta döt bun.

	SAN MARTIN		LUNGIARÛ
29.01.17 Solenité de S. Ujöp da Oies 4ª DOMËNIA ia por l'ann A	9.00 Corona por le defunt Pire Tavella 9.30 Mëssa solëna por la comunité <i>Oferta por scialdé la dlija y la calonia</i> <i>Mëssa sö Oies dales 16.00; dales 20.00 degöna Mëssa</i>	29.01.17 Domënia	7.55 Corona 8.15 Mëssa solëna por la comunité <i>paié le contribut al mone</i> <i>Mëssa sö Oies dales 16.00; dales 20.00 degöna Mëssa</i>
30.01.17 Lönesc <i>Martina, Serena</i>		30.01.17 Lönesc	
31.01.17 Dedolönesc <i>Giovanni Bosco, Scebio</i>	19.30 Mëssa familia de Leo Crepaz dl ann + Paul Ploner	31.01.17 Mertesc	
01.02.17 Dedemesaledema <i>Brighita, Ioana</i>		01.02.17 Mercui	7.30 Mëssa + + Serafin y Emma Clara + + Zita y Vittoria Clara + Vito Clara
02.02.17 Jöbia PRESENTAZIUN DL SIGNUR <i>Santa Maria dles ciandëres,</i>	19.30 Mëssa en onur de Santa Maria mituns cun ciandëres impiades (la Schira jonila podess vëne ciandëres) + Nando Flöss d' Anví (dl ann) Benedisciun de San Blaje	02.02.17 Jöbia	
03.02.17 Vëndres <i>Blaje, Ansgar, Oskar</i> Pröm Vëndres	9.00 Comuniun ai amará scomencian da Lungiarü 18.30 Adoraziun chita 19.00 Devoziun al Cör de Gejú	03.02.17 Vëndres	9.00 Comuniun ai amará 19.00 Adoraziun 19.30 Mëssa en onur de Santa Maria + + Agnes Lezuo y Ida Dapoz + + Sepl y Tarejia Deiaco Benedisciun de San Blaje
04.02.17 Sabeda <i>Rabanus Maurus, Agata</i>	15.30 Mëssa tla Ciasa de Palsa 18.30 Mëssa prefestia familia de Alfred Verginer familia de Hermann Costabiei 2ª de sopoltöra de + Pire Tavella, Cëch dl ann + Ida Clara Verginer dl ann + Vigile Moling + Pepi Dejaco, Larjëi	04.02.17 Sabeda	20.00 Mëssa prefestia por Giovanni y Monica Mischi dl ann + frater Lino Mischi dl ann + Franz Pezzei + Albina Clara
05.02.17 5ª DOMËNIA ia por l'ann A	9.00 Corona 9.30 Gran Mëssa por la comunité	05.02.17 Domënia	7.55 Corona 8.15 Gran Mëssa por la comunité <i>paié le contribut al mone</i>